

पोयराहा खातोर बाईबल
आमीज



नोहा आन
महापूर



द्वारा लिखित: Edward Hughes

द्वारा चित्रित: Byron Unger; Lazarus
Alastair Paterson

द्वारा अनुकूलित: M. Maillot; Tammy S.

द्वारा भाषांतर: रमेश वसावे

द्वारा निर्मित: Bible for Children
www.M1914.org

©2022 Bible for Children, Inc.


लाइसंस: तुमा इयाल नाहा वेची सेकता, जांव लुग तुमाहान इयो
काहानी कॉपीकेरा आन प्रिंट केरा अधिकार नाहा हाय.



नोहा एक एहेडो व्यक्ती आथो
जो परमेश्वरा आराधना केअतलो
आथो. बाकी बादा लोक परमेश्वराल
घृणा केतला आथा. आन तिया
आज्ञा नाय मानतला. एक दिही
परमेश्वराय काहीक चमकावनारी

गोठ आखी. आंय इया
दुष्ट संसारा
नाश किंही,

"परमेश्वराय नोहाल
आख्यो. फक्त तोअ
परिवार बची जाय."



नोहाल एक चेतावणी देदी का एक मोडो खाडो
आवी आन बादी तरती बुडी जाय. नोहाल आदेश
देदो, "एक लाकडा जहाज बनाव, जियाम तोअ
परिवार आन काहीक जानवराहां खातोर पुरो
हाय." परमेश्वराय नोहाल हारी रीती
आखी देखाव्यो. नोहो तियाम व्यस्त
विडु गियो.



लोकाहांय तिया मजाक
उडव्यो काहका तियाय
लोकाहान आखी देखाव्यो
का आंय जाहाज काहा
बनावूंहुं.

नोहो
जहाजबनावतो
रियो. आजी
लोकाहान परमेश्वरा
बाबतींम आखतो रियो.
केडोज नाय उनायो.



नोहाल मोडो विश्वास आथों.
तोअ परमेश्वरावे भरोसो
केअतो आथो. भले कधीही
पांय नाय पडलो आथों.
माहारीज जाहाज पोरायां
तियार वि गियों.




आमी जनावरें आलें, परमेश्वराय काहीक जातीहिमेने
सातमेने बेन. मोडे आन हाने चिडे, हाने आन उचें
जनावरें जाहाम चड्यें.



कदाचित लोक नोहाल जनावरें चढवूता
तिया निंदा केअता वेरी. तियाहाय
परमेश्वरा विरुदाम पाप केरा नाय
छोड्यो. तियाहाय जाहाम
प्रवेश केरा नाय आख्याँ.




A vibrant illustration of a landscape. In the background, a bright sun is partially obscured by a large, multi-colored rainbow. To the left, there are white, fluffy clouds. The ground is a mix of green and grey. In the foreground, a large, multi-layered wooden structure, possibly a bridge or a wall, extends from the right side towards the center. The structure is made of horizontal wooden planks and has a small, rectangular opening near the bottom. The overall scene is bright and cheerful.

शेवटी बादें
जनावरें आन
चिडे जाहाजाम
आथें. जहाजाम
आव, "परमेश्वराय
नोहाल हातक्यो." तूं
आन तोंअ परिवार. "नोह,
तिया पत्नी", तिया तीन पोयरा
आन तियांहा पत्न्या जाहाजाम गियें.
तांहा परमेश्वराय दरवाजो बंद केअयो!



आन पांय पडा
लाग्यो. एक मोडा
पांआयाय तरती
चालीस दिही आन
रात लुग पडतो रियो.





महापूररा
पांय शहराम आन
गांवाम उराय गियो.
पांय बंद वेअयो ताहा ढगाबी
पांयाकी बुडी गेहला आथा. वाराम
स्वास लेनारी हर वस्तू मोय गेह्नी.



जांहा पांय वाद्यो, ता जाहाज
पांयाउपे तोरा लाग्यो. वि सेकेह
माजमे आंदारो, केकवाह एहेतेहे,
केकवाह बियेसाखीं बी. पेन
जाहाजांय नोहाल जलप्रलयाकी
वाचावी लेदो.



नोहाय एक नेंडाढाल आन कबूतराल जाहाजा खिडकी बारे सोड्ये. आराम केर खातोर हूकाली जमीन नाय मिली, तियाल कबुतर नोहा पाही वापस आलो.






एक आठवडा बाद, नोहाय
फाची एक कोशिस केई.
कबुतर तियो चोचडीम कवलो
जैतुना पालो लिइन वापस
आलो. आगला आठवडाम नोहाल
मालूम पड्योका तरती हुकाली हाय
काहका कबुतर वापस
नाय आलो.



परमेश्वराय नोहाल आख्यो आमी जाहाजाल
सोडा. नोह आन तिया परीवाराय जहाजामेने
जनावरें नीचें उताव्यें.



नोहाय कोतो आभार
केअयो वेरी! तियाय
एक वेदी बनावी
आन परमेश्वरा
आराधना केअयीं
जियांय तियाल आन
तिया परिवारा
भयानक महापुराकी
वाचावलें आथें.



परमेश्वराय नोहाल
एक अद्भुत प्रतिज्ञा
देदी. तोअ कधीही
फाची माआहा पापाहा
न्याया खातोर जलप्रलय
नाय मोकलें.

परमेश्वराय तिया वायदा
नुसार एक महान चिन्ह
देदों. इंद्रधनुष्य
परमेश्वरा वायदा
चिन्ह आथों.



नोह आन तिया
परिवाराय जलप्रलया बाद एक नवी
सुरवात केअयी. समयानुसार, तिया
वंशाकी बादिं तरती फाची पोरायी.
दुनिया बादें राष्ट्रें नूह आन
तिया पोयरांहाकी उत्पन्न
वेअलें हाय.



नोहा आन महापूर

परमेश्वरा वचन बायबला एक कहानी

इयाम मिलेह

उत्पत्ती 6-10

"तुमा शब्दाहा प्रवेश उजवाडो देहे."

भजन 119:130



सेवट



बायबला कहानी आमाहान अद्भुत परमेश्वरा
बाबतींम आखेह जियाय आमाहान बनाव्या आंन
तिया इच्छा हाय का आपु तियाल जांआजी (ओअखुजी).

परमेश्वराल मालूम हाय का आमाहांय खाराब कामे केअरेंह,
जियाहान तोंअ पाप आखेह. पापा सजा मौत हाय, तेबी परमेश्वर
आपुहुंवे ओतो प्रेम केहे का तियाय तिया एकूलतो पोयरो, इशूल
कृसावे मोरा आन तुमाहां पापाहां सजा खातोर मोकल्यो. फाची
इशू जीवतो वेअयो आन होरगाम तिया कोअ गियो!

जर आपु मानता वेअरी इं खेरो हाय, ता परमेश्वराल एहेकी आखा:
प्रिय यीशू, मां विश्वास हायका तूं परमेश्वर हाय, आन मां पापाहा
खातोर मरा खातोर एक आदमी बनी गियो, आन आमी फाचो जीवतो
बनी गियो. कृपा किइन मांआ जीवनाम आव आन मांआ पापाहान
माफ केंअ, का आंय आमी नवो जीवन मिलवू, आन एक दिही कायम
तोअ आरी रिई सेकुं. मान तोअ आज्दन्या माना खातोर मदत
केअ आन तोअ पोयरा होच तोअ खातोर जीवूं. आमेन.

बायबल वाचा आन रोज परमेश्वरा आरी गोठया केरा. योहान 3:16

